



Broj:
Sarajevo, __.__.2019. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – Prečišćeni tekst), Gradsko vijeće Grada Sarajeva, na 26. sjednici održanoj _____ 2019. godine, usvojilo je

Izveštaj o provođenju Odluke o utvrđivanju sportskih manifestacija od značaja za Grad Sarajevo u 2018. godine.

PREDSJEDAVAJUĆI GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

IZVJEŠTAJ
O PROVOĐENJU ODLUKE O UTVRĐIVANJU SPORTSKIH
MANIFESTACIJA OD ZNAČAJA ZA GRAD SARAJEVO
U 2018. GODINI

PREDLAGAČ:
Gradonačelnik

OBRADIVAČ:
Gradska služba za obrazovanje,
kulturu, sport i mlade

Sarajevo, mart 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

I UVOD

Programom rada Gradskog vijeća Grada Sarajeva za 2019. godinu, predviđeno je razmatranje Izvještaja o provođenju Odluke o utvrđivanju sportskih manifestacija od značaja za Grad Sarajevo u 2018. godini.

II NAČIN FINANSIRANJA MANIFESTACIJA OD ZNAČAJA ZA GRAD SARAJEVO

Gradsko vijeće Grada Sarajeva donijelo je Odluku o utvrđivanju sportskih manifestacija od značaja za Grad Sarajevo („Službene novine Kantona Sarajevo“, broj 34/08).

Istom su utvrđene sljedeće manifestacije od značaja za Grad Sarajevo:

1. Međunarodni memorijalni turnir u streljaštvu Sarajevo Open Amir Đulić-Špico,
2. Međunarodni velemajstorski šahovski super turnir „Bosna“ Sarajevo,
3. Memorijalni karate turnir „Salih Salko Ćurić“,
4. Međunarodni teniski turnir ATP Challenger Sarajevo Open,
5. Međunarodni teniski turnir za juniorke i juniore do 16 godina „Open RCT Barcelona 1899.“ Sarajevo,
6. Međunarodni turnir u sjedećoj odbojci, Odbojkaški klub invalida „Fantomi“ Sarajevo,
7. Međunarodni memorijalni košarkaški turnir „Mirza Delibašić“,
8. Međunarodni memorijalni turnir u stonom tenisu „Kemo Fazlić“,
9. Međunarodni memorijalni turnir u dizanju tegova „Andrija Maleč“,
10. Novogodišnji turnir u malom nogometu „Asim Ferhatović Hase“,
11. Bajramski malonogometni turnir,
12. Međunarodni božićni malonogometni turnir „SAŠK Napredak“,
13. Međunarodni juniorski miting u atletici Sarajevo,
14. Manifestacija „Svi na snijeg“
15. Međunarodno skijaško takmičenje FIS Kup „Djeca za mir u svijetu“
16. Međunarodni turnir u hokeju na ledu „Sarajevo kids“
17. FIS takmičenje u snowboardu FIS kup Sarajevo,
18. Međunarodno takmičenje u umjetničkom klizanju „Sarajevo Open“,
19. Međunarodni memorijalni turnir u boksu „Hakija Turajlić“,
20. Evropski judo kup „Top ranking Sarajevo Open“
21. Međunarodni judo turnir „Vinko Šamarlić“,
22. Međunarodni plivački miting „Dan Grada Sarajeva“,
23. Vaterpolo turnir povodom 6. aprila Dana Grada Sarajeva
24. Međunarodni memorijalni turnir u malom nogometu „Zajko-Šikalo“
25. Međunarodni turnir u hrvanju
26. Šestoaprilski turnir u kuglanju za slijepce i slabovidne osobe,

27. Šestoaprilski turnir u streljaštvu

28. Međunarodni košarkaški turnir za djevojčice i dječake povodom Dana Grada Sarajeva

29. Međunarodni karate turnir „Euro Karate Grand Prix Sarajevo“

Odlukom o utvrđivanju sportskih manifestacija od značaja za Grad Sarajevo definisani su opći i posebni kriteriji, kao i procedura za finansiranje navedenih manifestacija. Organizatori manifestacija su dužni podnijeti gradonačelniku Grada Sarajeva putem Gradske službe za obrazovanje, kulturu, sport i mlade zahtjev za sufinansiranje manifestacije. Ovaj zahtjev mora sadržavati detaljan i obrazložen program sa svim aktivnostima, planiranu finansijsku konstrukciju programa, kao i kompletnu dokumentaciju kojom se dokazuje ispunjenje općih i posebnih kriterija, najkasnije do kraja septembra tekuće godine, kako bi se mogla planirati sredstva u Budžetu Grada Sarajeva za narednu godinu.

Gradska služba za obrazovanje, kulturu, sport i mlade procjenjuje programe manifestacija sa stanovišta značaja za Grad Sarajevo i na osnovu općih i posebnih kriterija za finansiranje manifestacija, te shodno kvaliteti programa svoje stavove sa obrazloženim prijedlogom visine iznosa sredstava neophodnih za realizaciju dostavlja gradonačelniku Grada Sarajeva na daljnji postupak.

Gradonačelnik Grada Sarajeva se obavezuje da sa organizatorima manifestacija zaključi ugovor kojim će se regulisati međusobna prava i obaveze.

Organizatori su dužni po završetku manifestacije dostaviti gradonačelniku Grada Sarajeva izvještaj o namjenskom utrošku sredstava shodno Odluci o izvršavanju Budžeta Grada Sarajeva.

III KRATAK OPIS SPORTSKIH MANIFESTACIJA OD ZNAČAJA ZA GRAD KOJE SU FINANSIRANE I REALIZOVANE U 2018. GODINI

U pogledu finansiranja programa iz oblasti sporta, iz skromnih budžetskih sredstava Grada Sarajeva, u 2018. godini sufinansirano je ukupno 18 sportskih manifestacija, najvećim dijelom održanih u sklopu programa obilježavanja 6. aprila – Dana grada Sarajeva:

SPORTSKE MANIFESTACIJE

1. MEĐUNARODNI KOŠARKAŠKI TURNIR Termin: 06.-08.04.2018. godine. Mjesto održavanja: Centar Skenderija. Organizator: Košarkaški klub „Koš“. Na ovogodišnjem turniru učestvovala su 24 ekipe koje su raspoređene u četiri kategorije: juniori, kadeti, pioniri i minibasket. Pored ekipa iz Bosne i Hercegovine na turniru su učestvovala ekipe iz Srbije, Hrvatske, Crne Gore, te reprezentacija Makedonije i BiH. Turnir je donio nekoliko zanimljivih okršaja u svim kategorijama. Najzanimljivije je bilo u juniorskoj konkurenciji. Treće mjesto je pripalo KK Budućnost koji je savladao KK Kvarner rezultatom 94-57.

Finalna utakmica juniorskog takmičenja donijela je dvoboj između KK KOŠ-a i KK SPARS-a. SPARS je bio bolji te zasluženno slavio na kraju rezultatom 85-62. Proglašena je i petorka turnira juniori: Dorijan Benković (Kvarner), Andrija Slavković (Budućnost Voli), Emir Bačvić (KOŠ), Kenan Kamenjaš (SPARS) i Tarik Biberović (SPARS). Kenan Kamenjaš je MVP turnira. Kadetsko takmičenje je pripalo domaćinima, koji su odličnom igrom u finalu savladali ekipu KK Dubrovnik.

Treće mjesto je pripalo ekipi KK Modriča koja je savladala KK Kvarner. Petorka turnira-kadeti: Mirza Selimović (KOŠ), Alija Islamović (KOŠ), Stefan Popović (Modriča), Vito Kučić (Kvarner) i Koprivica Petar (Dubrovnik). Alija Islamović je MVP turnira.

U kategoriji pionira KK Budućnost Bijeljina je zauzela 1. mjesto u finalu protiv KK Kvarner. Treće mjesto je osvojila ekipa KK Spars u utakmici protiv KK Kakanj. Peto mjesto je osvojila KK Cedevisa a 6. mjesto KK Koš.

Petorka turnira-pioniri: Barol Lučić (Kakanj), Bejtić Alen (SPARS), Damijan Škoro (KOŠ), Sablić Anton (Kvarner), Radovanović Nikola (Budućnost)

MVP turnira je Nikola Radovanović (Budućnost Bijeljina).

U kategoriji minibasket:

1. KK "Zadar", 2. KK "Budućnost", 3. KK "Koš"

Za realizaciju košarkaškog turnira odobrena su sredstva iz Budžeta Grada Sarajeva u iznosu od 10.000,00 KM. Takmičenje je otvorio gradonačelnik Abdulah Skaka.

2. **MEĐUNARODNI HRVAČKI TURNIR "KUP GRADA SARAJEVA 2018"** Termin: 07.04.2018. godine. Mjesto održavanja: Olimpijska dvorana "J.A.Samaranch". Organizator: Hrvачki klub "Bosna". Pod pokroviteljstvom Grada Sarajeva u Olimpijskoj dvorani Zetra održan je XII Međunarodni hrvački turnir za kadete i dječake. Na turniru je učestvovalo preko 100 takmičara iz 12 država. Najviše uspjeha su imali hrvači sarajevske Bosne. Za najuspješnijeg stranog takmičara proglašen je Jakub Šimčik, HK Sokol Hodonin (Češka), a najuspješniji domaći takmičar je Harun Sukić, HK Bosna Sarajevo. Za realizaciju hrvačkog turnira odobrena su sredstva iz Budžeta Grada Sarajeva u iznosu od 5.000,00 KM. Takmičenje je otvorio Almedin Miladin, gradski vijećnik.
3. **MEĐUNARODNI PLIVAČKI MITING "SARAJEVU S LJUBAVLJU 2018"** Termin: 31.03.-01.04.2018. godine. Mjesto održavanja: Olimpijski bazen "Otoka" Organizator: Plivački klub "Bosna". Miting se tradicionalno održava u povodu 6. aprila - Dana grada Sarajeva, a ove godine ponovo je u FINA kalendaru, odnosno, certificiran je za isplivavanje normi za Olimpijske igre mladih koje se održavaju u Buenos Airesu 2018, te Evropsko seniorsko prvenstvo Glazgov 2018. Na ovogodišnjem mitingu "Sarajevu s ljubavlju" nastupilo je 400 plivačica i plivača iz 37 klubova, koji su došli iz 9 zemalja Austrije, Albanije, Bosne i Hercegovine, Crne Gore, Katara, Kosova, Makedonije, Turske i Srbije. Najuspješniji po kategorijama po zbiru četiri najbolja rezultata iz 4 discipline, koji su nagrađeni peharima bili su: apsolutna kategorija: Kristijan Lakatoš (Vojvodina, Novi Sad) i Emina Pašukan (Bosna, Sarajevo), juniori: Marko Kovačić (22. april, Banja Luka) i Hena Mešić (Sport Time, Sarajevo), mlađi juniori: Nikola Lazarević (Kolubara, Lazarevac) i Nađa Lazarević (Kolubara, Lazarevac), kadeti: Tarik Trgo (Bosna, Sarajevo) i Lana Pudar (Orka, Mostar), te mlađi kadeti: Danis Alikalfić (Velež, Mostar) i Erin Hrustemović (Bosna, Sarajevo). Najvrijednije rezultate po FINA bodovima i novčane nagrade osvojili su Emina Pašukan PK Bosna Sarajevo, Mila Medić i Kristijan Lakatoš iz PK Vojvodina Novi Sad. Za realizaciju plivačkog mitinga odobrena su sredstva iz Budžeta Grada Sarajeva u iznosu od 5.000,00 KM. Takmičenje je otvorio Elvir Hadžiahmetović, pomoćnik gradonačelnika.
4. **MEĐUNARODNI KUGLAŠKI TURNIR ZA SLIJEPE „SARAJEVO 2018"** Termin: 13-14.04.2018. godine. Mjesto održavanja: Kuglana "Zetra". Organizator: Sportsko društvo slijepih i slabovidnih Kantona Sarajevo. Povodom Dana grada Sarajeva, u kuglani "Zetra", održan je 10.

Međunarodni kuglaški turnir za slijepe „Sarajevo 2018“. Na ovogodišnjem turniru je učestvovalo 77 kuglaša iz Njemačke, Hrvatske, Srbije, Slovenije i Bosne i Hercegovine. Takmičili su se u 8 pojedinačnih kategorija, te u ekipnoj konkurenciji. Najuspješnija ekipa je SKS Zagreb, a naše najuspješnije takmičarke na turniru su bile Emina Zahirović iz Sarajeva koja je osvojila drugo mjesto u kategoriji B3 i Senada Karišik takođe iz Sarajeva koja je osvojila treće mjesto u kategoriji B2. Za realizaciju turnira odobrena su sredstva iz Budžeta Grada Sarajeva u ukupnom iznosu od 4.000,00 KM. Takmičenje je otvorila Amina Deljković, pomoćnica gradonačelnika

- 5. MEĐUNARODNI ŠESTOAPRILSKI TURNIR U STRELJAŠTVU** Termin: 06.-08.04.2018. godine. Mjesto održavanja: Streljana "Zetra". Organizator: Streljački klub "Sarajevo". Na ovogodišnjem takmičenju nastupio je rekordan broj takmičara, te 20 klubova iz Slovenije, Hrvatske, Crne Gore, Srbije i Bosne i Hercegovine. U pojedinačnoj ženskoj konkurenciji u finalu najbolja je bila Marta Zeljković iz Hrvatske sa pogođenih 246,9 kruga, ispred slovenki Urške Hrašovec sa 245,9 krugova i Urške Kuharić sa 224,8 krugova. U ekipnoj konkurenciji kod seniorke najbolja je bila ekipa SD Dalmacijacement iz Hrvatske sa 1855,2 kruga, drugo mjesto osvojile su takmičarke SD Kovinar iz Slovenije sa pogođenih 1846,2, a treće reprezentacija Makedonije sa 1819,7 krugova. Kod seniora pojedinačno prvo mjesto osvojio je Denis Tomašević iz Hrvatske sa pogođenih 246,5 krugova, drugi je bio Borna Petanjek iz Hrvatske sa pogođenih 245,8 krugova, treći je bio Benjamin Jodl iz Slovenije sa pogođenih 221,2 kruga. U ekipnom plasmanu najbolji su bili naši takmičari SK Sarajevo sa pogođenih 1843,3 kruga, ispred ekipa iz Slovenije SD Trzin koji je pogodio 1834,8 krugova, te SD I Pohorski bataljon sa 1828,3 kruga. Za realizaciju turnira odobrena su sredstva iz Budžeta Grada Sarajeva u ukupnom iznosu od 4.000,00 KM. Takmičenje je otvorio Almedin Miladin, gradski vijećnik.
- 6. KARATE TURNIR „KARATE KUP OSLOBOĐENJA – MEMORIJAL SALKO ĆURIĆ“** Termin: 01.04.2018. godine. Mjesto održavanja: Centar Skenderija Dvorana 1. Organizator: Karate klub „Salih Salko Ćurić“. Na ovogodišnjem turniru pored domaćih takmičara učestvovali su i gosti iz Srbije, Hrvatske i Crne Gore. Ukupno je učestvovalo 207 takmičara iz 36 klubova. Najviše medalja je osvojio KK UNIJA TEŠANJ TEŠANJ i ukupno osvojenih 16 bodova, ispred KK GRAČANICA Gračanica sa osvojenih 9 bodova, te KK MAWASHI Sarajevo koji je osvojio 8 bodova. Kod seniora u borbama prvo mjesto je osvojio Anes Čongo is KK Champion Sarajevo, a u katama kod seniroki Biserka Radulović KK Budućnost Podgorica. Za realizaciju turnira odobrena su sredstva iz Budžeta Grada Sarajeva u ukupnom iznosu od 5.000,00 KM. Takmičenje je otvorio zamjenik gradonačelnika Milan Trivić, koji je zajedno sa pomoćnicom gradonačelnika Aminom Deljković uručio pehare i medalje najboljim ekipama i takmičarima.
- 7. WORLD KARATE GRAND PRIX – „ALIJA IZETBEGOVIĆ“** Termin: 22.04.2018. godine. Mjesto održavanja: Olimpijska dvorana ZETRA. Organizator: Univerzitetski Karate klub „Bosna“. U okviru ovogodišnjeg Grand prix-a održano je 51. Prvenstvo BiH za seniore-ke na kojem je nastupilo preko 50 klubova iz cijele BiH. U okviru takmičenja "TOP 8" za žene, predsjedavajući Predsjedništva BiH Bakir Izetbegović uručio je medalje i prehare za prva tri mjesta: 1. Ivona Čavar (Mostar), 2. Mojsavska Angela (Skoplje), 3. Zenira Bektaš (Sarajevo) i Lucija Lesjak (Čakovec). Za realizaciju turnira odobrena su sredstva iz Budžeta Grada Sarajeva u ukupnom iznosu od 5.000,00 KM.

- 8. MEĐUNARODNI TURNIR U SJEDEĆOJ ODBOJCI "SARAJEVO OPEN 2018".** Termin: 26-27.05.2018. godine. Mjesto održavnja: Sportska dvorana „Ramiz Salčin“. Organizator: Odbojkaški klub invalida „Fantomi“. U okviru ovogodišnjeg turnira nastupilo je osam ekipa među kojima su selekcija Rusije i Ukrajine. U finalnoj utakmici su se sastali OKI Fantomi i selekcija Rusije. Pobjedili su OKI Fantomi, a u borbi za treće mjesto selekcija Ukrajine je pobijedila OKI Čelik iz Zenice. Za realizaciju turnira odobrena su sredstva iz Budžeta Grada Sarajeva u ukupnom iznosu od 3.000,00 KM.
- 9. REGIONALNI MEMORIJALNI TURNIR "ANDRIJA MALEČ".** Termin: 25.11.2018. godine. Mjesto održavnja: Dvorana OŠ Vladimir Nazor. Organizator: Klub dizača tegova „Željezničar“. U okviru ovogodišnjeg turnira nastupili su najbolji dizači tegova iz naše zemlje. Najuspješnija ekipa na turniru je Klub dizača tegova „Bosna“. Za realizaciju turnira odobrena su sredstva iz Budžeta Grada Sarajeva u ukupnom iznosu od 2.500,00 KM.
- 10. BAJRAMSKI TURNIR U MALOM NOGOMETU** Termin: 24.08.2018. godine. Mjesto održavnja: Mala dvorana Centra Skenderija. Organizator: FK i KMF „Vrbanjuša“. U okviru ovogodišnjeg turnira nastupilo je osam ekipa. Najuspješnija ekipa na turniru je KMF „Vrbanjuša“ koja je u finalu bila bolja od FK „Sarajevo“. Za realizaciju turnira odobrena su sredstva iz Budžeta Grada Sarajeva u ukupnom iznosu od 1.500,00 KM.
- 11. MEMORIJALNI MALONOGOMETNI TURNIR "ASIM FERHATOVIĆ HASE"** Termin: 22-23.12.2018. godine. Mjesto održavnja: Dvorana Centra Skenderija. Organizator: FK „Vratnik“. U okviru ovogodišnjeg turnira nastupilo je osam ekipa Sarajevo, Željezničar, Olimpik, TOŠK, Slavija, Bosna Visoko, selekcija Sandžaka i organizator Vratnik. Najuspješnija ekipa na turniru je FK „Olimpik“ koja je u finalu boljim izvođenjem penala savladala reprezentaciju Sandžaka. Treće mjesto je osvojila ekipa Visočke Bosne koja je pobijedila fudbalere „Željezničara“. Za realizaciju turnira odobrena su sredstva iz Budžeta Grada Sarajeva u ukupnom iznosu od 1.500,00 KM.
- 12. MALONOGOMETNI BOŽIĆNI TURNIR** Termin: 22-23.12.2018. godine. Mjesto održavnja: Nogometni teren Hotela Delminijum. Organizator: NK SAŠK 1919 „Napredak“. U okviru ovogodišnjeg turnira za djecu nastupilo je 12 ekipa, a pobjednik turnira je ekipa FK UNIS koja je u finalu bila bolja od FK Željezničar. Treće mjesto je osvojila ekipa NK Ozren. Za realizaciju turnira odobrena su sredstva iz Budžeta Grada Sarajeva u ukupnom iznosu od 1.500,00 KM.
- 13. MEĐUNARODNI TENISKI TURNIR "OPEN RTC BARCELONA 1899-SARAJEVO 2018"** Termin: 20-25.08.2018. godine. Mjesto održavnja: Teniski tereni GTA teniske akademije Hotonj. Organizator: Teniski klub „Tenis Pro“. U konkurenciji juniora u finalu su se sastali prvi nosilac turnira Bugarin Petr Nesterov i sedmi nosilac turnira domaći igrač Dražen Petrović. Pobjedu je odnio Nesterov. U konkurenciji juniorki u finalnom meču sastale su se prva nositeljica Fatma Idrizović i

četvrta nositeljica turnira rumunka Maria Sara Popa. Prva nositeljica, Fatma Idrizovic (Srbija) slavila je rezultatom 6:1, 6:1 nad rumunskom teniserkom Popom.

Za realizaciju turnira odobrena su sredstva iz Budžeta Grada Sarajeva u ukupnom iznosu od 3.000,00 KM.

14. SARAJEVO KIDS 2018.

15. EVROPSKI JUDO KUP TOP RANKING SENIORI-KE 2018. Termin: 05-06.05.2018.

godine. Mjesto održavnja: KSC Ilidža. Organizator: Judo klub „IPPON“. Takmičenje je trajalo dva dana, a učestvovalo je 27 zemalja i 237 takmičara.

Za realizaciju takmičenja odobrena su sredstva iz Budžeta Grada Sarajeva u ukupnom iznosu od 2.000,00 KM.

16. MEĐUNARODNO DJEČIJE SKI TAKMIČENJE FIS KUP "DJECA ZA MIR U SVIJETU".

Termin: 17-18.02.2018. godine. Mjesto održavnja: Bjelašnica. Organizator: SSK „Sarajevo.

Takmičenje je trajalo dva dana, a učestvovala su djeca starosti od 12 do 16 godina u disciplinama slalom i veleslalom. Riječ je jednom od 11 dječijih takmičenja registrovanih u kalendaru Međunarodne skijaške federacije (FIS), koja se održavaju u svijetu svake godine.

U obje discipline prva tri mjesta su zauzeli Esmā Alić, Aiša Kantardžić i Salih Hasanbegović.

Za realizaciju takmičenja odobrena su sredstva iz Budžeta Grada Sarajeva u ukupnom iznosu od 2.000,00 KM.

17. MEMORIJALNI MALONOGOMETNI TURNIR "SMAIL ŠIKALO". Termin: 20-24.06.2018.

godine. Mjesto održavnja: SRC „Braćā Kadić“. Organizator: Omladinski fudbalski klub „Biser 96.

Na ovogodišnjem turniru učešće je uzelo 16 seniorskih selekcija, 16 selekcija veterana i 16 ekipa omladinskog pogona koji su se takmičili u četiri kategorije. Pobjednik turnira u selekciji seniora je ekipa „Balon dekor BH“ koja je u finalu savladala ekipu MNK Centar, dok je kod veterana najbolja bila ekipa „OFK Biser 96“ koja je u finalu savladala ekipu MNK Centar.

Za realizaciju turnira odobrena su sredstva iz Budžeta Grada Sarajeva u ukupnom iznosu od 1.500,00 KM.

18. VATERPOLO TURNIR EVROPSKIH ŠAMPIONA „SARAJEVO CHAMPIONS

CHALLENGE 2018“. Termin: 21-23.09.2018. godine. Mjesto održavnja: Olimpijski bazen Otoka.

Organizator: Vatrepolo savez Kantona Sarajevo i JP „Olimpijski bazen Otoka“ doo Sarajevo.

Na ovogodišnjem turniru učešće su uzele 4 ekipe „POŠK“ – Split, „Primorac“ – Kotor, „Vojvodina“ – Novi Sad i Reprezentacija Bosne i Hercegovine.

Prvo mjesto je osvojila ekipa Primorca, drugo ekipa Vojvodine, a treće ekipa POŠK-a. Za realizaciju turnira odobrena su sredstva iz Budžeta Grada Sarajeva u ukupnom iznosu od 3.800,00 KM.

IV FINANSIRANJE OD STRANE GRADA SARAJEVA U 2018. GODINI

U segmentu podrške sportskim manifestacijama od interesa za Grad, kao i obilježavanju 6. aprila Dana grada Sarajeva, a nakon provedene procedure, u 2018. godini sufinansirani su sljedeći projekti:

Red .br.	APLIKANT	NAZIV PROJEKTA	IZNOS KM
1.	Košarkaški klub „Koš“	11. Međunarodni turnir u košarci za djevojčice i dječake	10.000,00
2.	Hrvački klub „Bosna“	12. Šestoaprilski turnir u hrvanju "KUP grada Sarajeva"	5.000,00
3.	Plivački klub „Bosna“	17. Međunarodni plivački miting "Sarajevu s ljubavlju 2017"	5.000,00
4.	Sportsko društvo slijepih i slabovidnih KS	10. Međunarodni kuglaški turnir za slijepe 2010.	4.000,00
5.	Streljački klub „Sarajevo“	11. Međunarodni šestoaprilski turnir u streljaštvu	4.000,00
6.	Karate klub "Salih Salko Ćurić"	19. karate takmičenje "Karate Kup oslobođenja - Memorijal Salko Ćurić"	5.000,00
7.	Univerzitetski karate klub „Bosna“	Međunarodni karate turnir „Karate World Grand Prix Alija Izetbegović 2018.“	5.000,00
8.	Odbojkaški klub invalida „Fantomi“	17. Međunarodni turnir u sjedećoj odbojci "Sarajevo Open 2018"	3.000,00
9.	Klub dizača tegova „Željezničar“	9. Regionalni memorijalni turnir "Andrija Maleč"	2.500,00
10.	FK i KMF "Vrbanjuša"	27. Bajramski turnir u malom nogometu	1.500,00
11.	Fudbalski klub „Vratnik“	26. Memorijalni malonogometni turnir "Asim Ferhatović Hase"	1.500,00
12.	NK SAŠK 1919 „Napredak“	Malonogometni božićni turnir	1.500,00
13.	Teniski klub „Tenis Pro“	Međunarodni teniski turnir "Open RTC Barcelona 1899-Sarajevo 2018“	3.000,00
14.	Hokejaški klub „Bosna“	Sarajevo kids 2018.	2.000,00
15.	Judo klub „Nippon“	Evropski judo kup top ranking seniori-ke 2018.	2.000,00
16.	Sarajevski skijaški klub „Sarajevo“	Međunarodno dječije ski takmičenje FIS kup "Djeca za mir u svijetu"	2.000,00
17.	Omladinski fudbalski klub „Biser 96“	25. Međunarodni memorijalni turnir u malom nogometu „Zajko-Šikalo 2018.“	3.000,00
18.	JP „Olimpijski bazen Otoka“ i Vaterpolo savez KS	10. Vaterpolo turnir evropskih šampiona „Sarajevo Champions Challenge 2018“	3.800,00

U 2018. godini za primjenu Odluke o finansiranju sportskih manifestacija od interesa za Grad bio je predviđen iznos od 50.000,00 KM, što je bilo nedovoljno, pa su neke manifestacije podržane sa pozicije namijenjene za Dan grada Sarajeva.

Organizatori gore navedenih manifestacija su u 2018. godini dostavili finansijske i narativne izvještaje sa informacijama o načinu utroška dodijeljenih finansijskih sredstava, kao i o posjećenosti i rezultatima na svim takmičenjima. Dostavljene informacije su najbolji pokazatelji da su manifestacije koje sufinansira Grad Sarajevo vrhunske kvalitete, te da okupljaju mnogobrojne sportiste iz BiH i Evrope te sve veći broj posjetilaca.

V ZAKLJUČCI

1. Grad Sarajevo je u 2018. godini provodeći Odluku o utvrđivanju sportskih manifestacija od značaja za Grad, prvenstveno činio napore da uravnoteženo, a u skladu sa realnim materijalnim mogućnostima, podrži sve segmente sporta.
2. Provodeći Odluku o utvrđivanju sportskih manifestacija od značaja za Grad ipak smo uspjeli sačuvati kontinuitet održavanja određenog broja programskih sadržaja u okviru navedenih manifestacija, posebno onih koje se organiziraju u povodu 6. aprila – Dana grada Sarajeva.
3. Grad Sarajevo provodeći Odluku o sportskim manifestacijama omogućuje da veliki broj građana našeg grada, a posebno djece i mladih u toku cijele budu neposredni sudionici različitih međunarodnih sportskih sadržaja koji iz godine u godinu dobijaju na masovnosti, a posebno kvaliteti. Grad Sarajevo, kao olimpijski i sportski grad, će i ubuduće ulagati napore da sufinansira i podržava razne sportske sadržaje kako bi se na taj način animirali građani, posebno djeca i mladi, da prate sadržaje ovih sportskih manifestacija, te da se i sami uključe u rad sportskih društava.